



UNIVERZITET U SARAJEVU - UNIVERSITY OF SARAJEVO
ŠUMARSKI FAKULTET - FACULTY OF FORESTRY

Zagrebačka 20, 71000 Sarajevo, BiH • Tel.: + 387 33 812 490, 812 491; Fax: + 387 33 812 488

Matični broj: 4200494560198 • PDV broj: 200494560007

KS u Sarajevu, Broj rješenja: 065-0-Reg-19-002234

e-mail: info@sfsa.unsa.ba • racunovodstvo@sfsa.unsa.ba • www.sfsa.unsa.ba

-Vijeće fakulteta-

Broj: 01/6-140/26-2

Sarajevo, 21.01.2026. godine

ZAPISNIK

**SA IV. ELEKTRONSKE SJEDNICE VIJEĆA UNIVERZITETA U SARAJEVU - ŠUMARSKOG
FAKULTETA ODRŽANE 21.01.2026. GODINE SA POČETKOM U 10:00 SATI**

Prisutni članovi:

prof. dr. Besim Balić, prof. dr. Zahida Ademović, prof. dr. Mersudin Avdibegović, prof. dr. Muhamed Bajrić, prof. dr. Neđad Bašić, prof. dr. Dženan Bećirović, prof. dr. Azra Čabaravdić, prof. dr. Sabina Delić, prof. dr. Mirza Dautbašić, prof. dr. Dino Hadžidervišagić, prof. dr. Alma Hajrudinović-Bogunić, prof. dr. Velid Halilović, prof. dr. Emira Hukić, prof. dr. Aida Ibrahimspahić, doc. dr. Jelena Knežević, mr. Ehlimana Pamić (predstavnik asistenata), prof. dr. Ahmet Lojo, doc. dr. Bruno Marić, doc. dr. Mirzeta Memišević Hodžić, prof. dr. Fatima Pustahija, prof. dr. Dževada Sokolović, mr. Amila Brajić Kezija (predstavnik viših asistenata), prof. dr. Tarik Trešić, Emina Uzunović (predstavnik stručnog nastavnog osoblja) i prof. dr. Sead Vojniković.

Članovi koji se nisu izjasnili ali se smatra da prihvataju prijedlog (član 19. stav (5) Poslovnika o radu Vijeća Univerziteta u Sarajevu - Šumarskog fakulteta):

Prof. dr. Admir Avdagić, prof. dr. Dalibor Ballian, prof. dr. Faruk Bogunić, Mirjem Alagić (student prodekan), mr. Damir Prljača (predstavnik studenata III ciklusa studija), prof. dr. Sead Ivojević, prof. dr. Osman Mujezinović, prof. dr. Jusuf Musić, Amina Zorlak (predstavnik studenata II ciklusa studija), Medina Džinović (predstavnik studenata I ciklusa studija) i prof. dr. Čemal Višnjjić.

Ostali:

Aldijana Bilajac - dipl.iur / viši stručni saradnik za pravne, administrativne i opšte poslove

Sjednica je počela u 10:00 h.

Konstatovano je da na današnjoj sjednici prisustvuje 25 članova Vijeća fakulteta te da se mogu donositi punovažne odluke po dnevnom redu. Sjednicom je predsjedavao prof. dr. Besim Balić, dekan Univerziteta u Sarajevu - Šumarskog fakulteta, na osnovu čije je saglasnosti, u skladu sa članom 9. stav (3) i članom 14. Poslovnika o radu Univerziteta u Sarajevu, članovima Vijeća fakulteta dostavljen putem e-maila poziv za održavanje IV. elektronske sjednice Vijeća fakulteta zakazane za 21.01.2026. godine.

Dnevni red je jednoglasno izglasan, nakon čega je razmatran sljedeći:

DNEVNI RED :

1. Razmatranje prijedloga Izvještaja o radu Univerziteta u Sarajevu – Šumarskog fakulteta za 2025.godinu, broj: 01/1-135/26 od 20.01. 2026. godine;

2. Razmatranje prijedloga Izvještaja Centralne popisne komisije o izvršenom popisu imovine, obaveza i potraživanja za 2025.godinu Univerziteta u Sarajevu – Šumarskog fakulteta;
3. Razmatranje i usvajanje Prijedloga za pokretanje postupka za prijedlog kandidata za dodjelu “Šestoaprilske nagrade Grada Sarajeva” u 2026. godini, broj:01/1-77/26 od 15.01.2026. godine;
4. Razmatranje Plana i programa silabusa za individualizirani nastavni proces za studenta sa posebnim statusom u zimskom semestru akademske2025/2026. godine, broj: 01/1-114/26 od 16.01.2026. godine.

TOK SJEDNICE:

Ad-1.

Na osnovu 69. Zakona o visokom obrazovanju Kantona Sarajevo („Službene novine Kantona Sarajevo“ broj: 36/22 i 28/25), člana 111. Statuta Univerziteta u Sarajevu (broj: 01-14-35-1/23 od 26.07.2023. godine, izmjene broj: 01-13-121-1/24 od 17.07.2024. godine, 01-14-19/25 od 26.11.2025. godine), Vijeće Univerziteta u Sarajevu - Šumarskog fakulteta na IV. elektronskoj sjednici održanoj 21.01.2026. godine, donosi jednoglasno sljedeću

ODLUKU

o usvajanju Izvještaja o radu Univerziteta u Sarajevu - Šumarskog fakulteta za 2025. godinu

I

Usvaja se Izvještaj o radu Univerziteta u Sarajevu - Šumarskog fakulteta za 2025. godinu broj: 01/1-135/26 od 20.01. 2026. godine.

II

Sastavni dio prijedloga ove odluke je Izvještaj o radu Univerziteta u Sarajevu - Šumarskog fakulteta za 2025. godinu.

III

Odluka će se dostaviti Univerzitetu u Sarajevu.

Obrazloženje

Prodekan za nastavu prof. dr. Dženan Bećirović, koordinator za izradu Izvještaja o radu Univerziteta u Sarajevu - Šumarskog fakulteta za 2025. godinu sistematizirao je podatke prikupljene od strane stručnih službi Fakulteta. Izvještaj o radu dostavljen je Vijeću Fakulteta na pregled i razmatranje, te je Vijeće na sjednici 21.01.2026. godine razmatralo Izvještaj i kao takvog ga usvojilo.

Ad-2.

Na osnovu člana 69. Zakona o visokom obrazovanju Kantona Sarajevo („Službene novine Kantona Sarajevo“ broj:36/22 i 28/25), člana 111. Statuta Univerziteta u Sarajevu (broj: 01-14-35-1/23 od 26.07.2023. godine, izmjene broj: 01-13-121-1/24 od 17.07.2024. godine, 01-14-19/25 od 26.11.2025. godine), Vijeće Univerziteta u Sarajevu - Šumarskog fakulteta na IV. elektronskoj sjednici održanoj 21.01.2026. godine, jednoglasno donosi

ODLUKU

O usvajanju Izvještaja Centralne popisne komisije o izvršenom popisu imovine, obaveza i potraživanja za 2025.godinu Univerziteta u Sarajevu - Šumarskog fakulteta

I

Usvaja se Izvještaj Centralne popisne komisije o izvršenom popisu imovine, obaveza i potraživanja za 2025.godinu Univerziteta u Sarajevu - Šumarskog fakulteta, broj: 01/1-148/26 od dana 20.01.2026.godine.

II

Sastavni dio prijedloga ove odluke je Izvještaj Centralne popisne komisije o izvršenom popisu imovine, obaveza i potraživanja za 2025. godinu Univerziteta u Sarajevu - Šumarskog fakulteta.

III

Odluka će se dostaviti Centralnoj popisnoj komisiji Univerziteta u Sarajevu.

Obrazloženje

Na osnovu Pravilnika o popisu imovine i obaveza Univerziteta u Sarajevu broj: 02-2964/16 od 27.04.2016. godine i Odluke Upravnog odbora Univerziteta u Sarajevu broj: 02-33-3/25 od 09.12.2025. godine o sprovođenju redovnog popisa imovine, obaveza i potraživanja Univerziteta u Sarajevu za 2025. godinu, u skladu sa Uputstvom Ministarstva finansija Kantona Sarajevo broj: 08-11-55661/25 od 04.12.2025. godine, donesena je Odluka kao u dispozitivu.

Ad-3.

Na osnovu člana 69. Zakona o visokom obrazovanju Kantona Sarajevo („Službene novine Kantona Sarajevo“ broj: 36/22 i 28/25), člana 111. Statuta Univerziteta u Sarajevu (broj: 01-14-35-1/23 od 26.07.2023. godine, izmjene broj: 01-13-121-1/24 od 17.07.2024. godine, 01-14-19/25 od 26.11.2025. godine), a u skladu sa Konkursom objavljenim na web stranici Gradskog vijeća Grada Sarajeva za dodjelu „Šestoaprilске nagrade Grada Sarajeva“ za 2026. godinu (Broj: 04-GV-02-1173-2/25 od 20.11.2025.), na IV. elektronskoj sjednici Vijeća Fakulteta održanoj 21.01.2026. godine, donesena je jednoglasno sljedeća

ODLUKA

Akademik, prof. em. dr. Vladimir Beus predlaže se za kandidata za dodjelu „Šestoaprilске nagrade Grada Sarajeva“ za 2026. godinu za oblast nauke i obrazovanja.

Obrazloženje

Akademik Vladimir Beus je rođen 1939. godine u Podlugovima, Opština Breza, i državljanin je Bosne i Hercegovine. Osnovnu školu i gimnaziju pohađao je u Sarajevu, a po maturiranju upisao je studij na Šumarskom fakultetu Univerziteta u Sarajevu, na kojem je diplomirao 30. aprila 1963. godine. Postdiplomski studij iz oblasti Uređivanja šuma na tipološkim osnovama pohađao je na Šumarskom fakultetu Univerziteta u Sarajevu i okončao ga odbranom magistarskog rada pod naslovom *Zajednica bukovo jelove šume na peridotitu i serpentinitu Bosne*, 1977. godine.

U toku postdiplomskog studija je završio kurs iz fotogrametrije u šumarstvu na Šumarskom fakultetu Sveučilišta u Zagrebu. Tokom ovog studija, 1974. godine pohađao je nastavu iz pedagoško-psihološkog obrazovanja na Univerzitetu u Sarajevu, za što je od strane Univerziteta u Sarajevu dobio diplomu o sposobnosti za obavljanje visokoškolske nastave.

Doktorsku disertaciju pod naslovom *Fitocenoze bukve i jele na bazičnim i ultrabazičnim eruptivima ofiolitske zone u Bosni* odbranio je 1987. godine na Šumarskom fakultetu Univerziteta u Sarajevu.

Radnu aktivnost je započeo u ŠIP „Sebešić“ u Travniku 1963. godine odakle je 1. marta 1964. god. prešao u Institut za šumarstvo u Sarajevu, gdje je izabran za asistenta u Odjeljenju za šumska staništa. U toku rada na Institutu bio je angažiran na projektu Inventura šuma na velikim površinama (1964-1968.), te kartiranju šumske vegetacije i šumskih zemljišta i izradi karata šumske vegetacije, zemljišta i tipova šuma za više šumskogospodarskih područja Bosne i Hercegovine (1969-1971.). Na Šumarskom fakultetu Univerziteta u Sarajevu se zaposlio krajem 1971. godine, gdje je izabran za asistenta na Katedri za ekologiju šuma, na predmetu Fitocenologija sa tipologijom šuma. U zvanje vanrednog profesora izabran je 1987. godine, a u zvanje redovnog

profesora na istom predmetu 1997. godine. Počasno zvanje profesor emeritus Univerziteta u Sarajevu dodijeljeno mu je 2010. godine.

Za dopisnog člana Akademije nauka i umjetnosti Bosne i Hercegovine (Odjeljenje prirodnih i matematičkih nauka) izabran je 2012. godine, a za redovnog člana 2018. godine.

Tokom rada na Fakultetu obavljao je nastavne aktivnosti na predmetu Fitocenologija sa tipologijom šuma, dijelu predmeta Specijalni šumski proizvodi - jestive i ljekovite biljne vrste, te na predmetu Katastar urbanog zelenila na Odsjeku hortikultura. Pored nastavnih obaveza na drugom stupnju studija, rukovodio je postdiplomskim studijem iz oblasti ekologije šuma na kojem je izvodio nastavu iz šumske vegetacije i tipologije šuma, kao i u okviru postdiplomske nastave iz oblasti uzgajanja šuma i uređivanja šuma. Učestvovao je u permanentnom obrazovanju šumarskih stručnjaka i bio rukovodilac seminara Korištenje tipoloških i pedoloških karata u šumarstvu.

Aktivno se bavi naučnim i stručnim radom u oblastima: fitocenologije, tipologije šuma, zaštite prirode, urbanog zelenila i prostornog planiranja. Objavio je kao autor ili koautor 70 naučnih radova, među kojima je 10 monografija, a uz sve i tri knjige, te dvije bibliografije Fakulteta (1949-1989. i 1989-1999.), i Monografiju 60 godina Fakulteta (1948-2008.). Objavio je i 85 stručnih radova. Pored ovog, objavio je veći broj saopštenja sa naučnih i stručnih skupova, prikaza knjiga, kolumne u časopisu Naše šume. Dao je značajan doprinos poznavanju ekoloških, florističkih, sindinamskih i sintaksonomskih karakteristika šumskih fitocenoza Bosne i Hercegovine. U ovom smislu posebno su značajni naučni radovi o šumama bukve i jele na bazičnim i ultrabazičnim eruptivima ofiolitske zone u Bosni i studija Ekološko – vegetacijska rejonizacija Bosne i Hercegovine, sa prilogima: Karta realne šumske vegetacije Bosne i Hercegovine i Karta potencijalne vegetacije Bosne i Hercegovine, obje mjerila 1 : 500 000. U oblasti tipologije šuma dao je veliki doprinos razvoju i primjeni tipologije šuma u gospodarenju šumskim ekosistemima u Bosni i Hercegovini. Učestvovao je sa referatima u velikom broju naučnih i stručnih skupova u zemlji i inostranstvu.

Recenzirao je 40 knjiga (udžbenici, monografije, enciklopedija, priručnici) i veliki broj naučnih i stručnih članaka u časopisima iz oblasti šumarstva, hortikulture i ekologije u zemlji i inostranstvu. Bio je glavni urednik edicija Šumarskog fakulteta, četiri Bibliografije (1949-1989; 1989-1999; 1999-2009; 2009-2018.) i Monografije 60 godina Fakulteta, časopisa Naše šume, izdanja ANUBiH - Zbornici radova sa naučnih skupova (knjige 25, 26, 27 i 29), te knjige Granice rasta grada Sarajeva i regije do 2025. godine, ekološki aspekti. Član je ili je bio Redakcionog/Uređivačkog odbora edicija: *Works of the Faculty of Forestry University of Sarajevo*, *Šumarski list*, Hrvatsko šumarsko društvo, Zagreb, *Glasnik za šumske pokuse*, Šumarski fakultet Sveučilišta u Zagrebu, *Radovi*, Šumarski institut, Jastrebarsko, *Hacquetia*, Biološki institut Jovana Hadžija, ZRC, SAZU, Ljubljana, *Naše šume*, Udruženje inženjera i tehničara šumarstva Federacije Bosne i Hercegovine, Sarajevo.

Obavljao je odgovorne funkcije na Fakultetu: bio je dugi niz godina šef Katedre za ekologiju šuma, kasnije Katedre za ekologiju šuma i urbanog zelenila, te šef Katedre za projektovanje i građenje u hortikulturi. Biran je za prodekana Fakulteta škol. 1988/89-1989/1990. godine i tri puta za dekana Fakulteta od škol. 1990/91 do 1995/96. godine. U toku agresije na Bosnu i Hercegovinu, 1992.-1995. godine, dao je poseban doprinos u očuvanju kontinuiteta rada Fakulteta i njegovoj kadrovskoj i fizičkoj obnovi i razvoju. Naročito značajne su aktivnosti na kadrovskom jačanju Fakulteta, izborom deset asistenata, i osnivanju novog Odsjeka hortikultura, čiji je bio inicijator i voditelj aktivnosti kod osnivanja.

U okviru Akademije nauka i umjetnosti Bosne i Hercegovine bio je direktor Centra za istraživanje i održivi razvoj krša, predsjednik Odbora za prirodne resurse, koju funkciju obavlja i sada, te predsjednik Organizacionog/Naučnog odbora četiri simpozija i urednik/kourednik četiri Zbornika radova sa simpozija, organizator i moderator javnih predavanja povodom obilježavanja Svjetskog dana šuma – 21. marta (kontinuirano od 2017. godine, u zajednici sa Šumarskim fakultetom Univerziteta u Sarajevu) i Svjetskog dana prašuma - 14. septembra.

Od značajnijih društvenih aktivnosti obnašao je slijedeće dužnosti: delegat u Vijeću udruženog rada Skupštine SR BiH, sekretar Ekološke sekcije šumarskih fakulteta i instituta za šumarstvo Jugoslavije, predsjednik Upravnog

odbora naučno popularne revije Fondeko Svijet, predsjednik Štaba za estetsko uređenje SO Novo Sarajevo, član Savjeta Prostornog plana Kantona Sarajevo, član Savjeta Prostornog plana Federacije Bosne i Hercegovine.

Ovdje treba istaći njegov dugogodišnji angažman, na volonterskoj osnovi, na podizanju urbanog zelenila u gradu Sarajevu, među kojima je inicirao, projektovao i rukovodio podizanjem aleje lipa na lijevoj obali rijeke Miljacke kao pandan aleji lipa na desnoj obali, u Vilsonovom šetalištu. Poseban pečat njegovih aktivnosti doprinio je razvoju i obnovi urbanog zelenila Sarajeva prije a posebno nakon rata, na volonterskoj osnovi, što daje poseban pečat njegovom radu. Njegov rad je u značajnoj mjeri uticao na estetsko hortikulturne odlike grada Sarajeva.

Dobitnik je više priznanja:

- Nagrada Skupštine općine Novo Sarajevo, (1980),
- Plaketa grada Sarajeva (1982),
- Orden rada sa srebrenim vijencem (1986),
- Povelja Univerziteta u Sarajevu u povodu obilježavanja 50 godina kontinuiranog rada (1999), Povelja Šumarskog fakulteta Univerziteta u Sarajevu u povodu obilježavanja 50 godina kontinuiranog rada (1999),
- Povelja Šumarskog fakulteta Univerziteta u Sarajevu u povodu obilježavanja 60 godina kontinuiranog rada (2008),
- Sveska časopisa Hrvatska misao (God. XVII, br. 1/13 (61) u povodu 75. obljetnice života i rada (2015),
- Priznanje za životno djelo Hrvatskog drvnog klastera, Zagreb i ŠGD Hercegbosanske šume, Kupres (2017),
- Plaketa Udruženja inženjera i tehničara šumarstva Federacije Bosne i Hercegovine (2017).

Akademik Vladimir Beus dao je veliki doprinos radu i razvoju Šumarskog fakulteta Univerziteta u Sarajevu a posebno kao dekan Fakulteta u vrijeme agresije na Bosnu i Hercegovinu (1992 – 1995.), očuvanju kontinuiteta i organizaciji rada Fakulteta u posebnim uslovima djelovanja, akademskoj i fizičkoj obnovi Fakulteta, osnivanju Odsjeka hortikulture, bogatim opusom naučnih i stručnih radova, recenziranjem ogromnog broja naučnih i stručnih radova, među kojima je četrdeset knjiga, uređivanje nekoliko edicija Šumarskog fakulteta i Akademije nauka i umjetnosti Bosne i Hercegovine.

Na osnovu izloženog se može zaključiti ogroman doprinos Akademika Vladimira Beusa nauci i cjelokupnoj društvenoj zajednici. Poseban je njegov odnos u funkciji razvoja Šumarskog fakulteta Univerziteta u Sarajevu obrazovanju naučnih i stručnih kadrova, kao i Grada Sarajeva. Kroz istraživački rad ostavio je temeljna dijela, koja se intenzivno koriste u različitim naučno istraživačkim institucijama u BiH ali i Evropi.

Njegov rad i dekanstvo u ratnim okolnostima doprinose očuvanju integriteta institucije na čijem je bio čelu. Kontinuiran rad i u najtežim ratnim uvjetima dali su poseban doprinos očuvanju šumarskog visokog obrazovanja kao i nauke i struke u Bosni i Hercegovini. Ne manje značajno je da se Akademik Vladimir Beus se može smatrati za “osnivača” hortikulturnog smjera na Univerzitetu u Sarajevu na Šumarskom fakultetu.

U skladu sa navedenim donesena je odluka kao u dispozitivu.

Ad-4.

Na osnovu člana 69. Zakona o visokom obrazovanju (“Sl. novine Kantona Sarajevo”, br.36/22 i 28/25), člana 111. Statuta Univerziteta u Sarajevu (broj: 01-14-35-1/23 od 26.07.2023. godine, izmjene broj: 01-13-121-1/24 od 17.07.2024. godine, 01-14-19/25 od 26.11.2025. godine), članova 71. i 72. Pravila studiranja za prvi i drugi ciklus studija, integrisani, specijalistički i stručni studij na Univerzitetu u Sarajevu (broj: 01-15-24-1/23 od 27.09.2023. godine), a u odnosu na dostavljeno stručno mišljenje Ureda za podršku studentima Univerziteta u Sarajevu broj: 01/1-3718/25 od 17.11.2025. godine i 01/1-3801/25 od 21.11.2025. godine, Odluku sa III. redovne sjednice Vijeća Fakulteta, broj: 01/6-3971/25 od 04.12.2025. godine, Zapisnik sa sastanka nastavnika i saradnika kojima je povjerena nastava u zimskom i ljetnom semestru akademske 2025/2026 godine, te prdstavnika Ureda

za podršku studentima, broj: 01/1-4143/25 od 19.12.2025. godine, Vijeće Univerziteta u Sarajevu - Šumarskog fakulteta, na svojoj IV. elektronskoj sjednici održanoj 21.01.2026. godine, donijelo je jednoglasno *s l j e d e ć u*

O D L U K U

o utvrđivanju Plana i programa silabusa za individualizirani nastavni proces za studenticu Rayanu Miu Hrelja u zimskom semestru akademske 2025/2026. godine

I

Utvrđuje se nastavni plan i program Silabusa za individualiziranu nastavu u zimskom semestru za akademsku 2025-2026. godinu - odsjek Hortikultura na Univerzitetu u Sarajevu - Šumarskom fakultetu za studenticu Rayanu Miu Hrelja.

II

Opis studijskih programa biti će dostavljen studentici Rayana Mia Hrelja u Silabusima za individualiziranu nastavu u zimskom semestru za akademsku 2025/2026. godinu - odsjek Hortikultura na Univerzitetu u Sarajevu - Šumarskom fakultetu.

Obrazloženje

Nakon što je donesena Odluka na III. redovnoj sjednici Vijeća Univerziteta u Sarajevu - Šumarskog fakulteta kojom se odobrava individualizirani program prilagodbe za studenticu Rayanu Miu Hrelja, održan je sastanak nastavnika i saradnika kojima je povjerena nastava u zimskom i ljetnom semestru akademske 2025/2026. godine, te predstavnika Ureda za podršku studentima, na kojem su utvrđene dalje procedure i modaliteti izrade individualiziranog programa prilagodbe. U skladu sa navedenim pripremljeni su silabusi koji su prilagođeni za gore navedenu studenticu, a koji trebaju biti usvojeni na Vijeću fakulteta. U skladu sa navedenim donesena je odluka kao u dispozitivu.

Elektronska sjednica je završena 21.01.2026. godine u 16:00 h.

Zapisničar:

Aldijana Bilajac, dipl. iur, viši stručni saradnik za pravne, administrativne i opšte poslove

Dekan

Prof. dr. Besim Balić